

淨光明寶樹於本性地而栽種之於其實樹溉甘露水生成仙
 菓先栽相樹其相樹者根是怜愍莖是快樂枝是歡喜葉是羨
 羨莖是安泰味是敬慎色是堅固次栽清淨妙寶心樹其樹根
 者自是誠信莖是見信枝是怕懼葉是警覺葉是勤學味是讀
 詔色是安樂次栽念樹其樹根者自是具足莖是好意枝是威
 儀葉是真實莊嚴諸行菓是實言無虛妄語味是說清淨正法
 色是愛樂相見次栽思樹其樹根者自是忍辱莖是安泰枝是
 忍受葉是戒律菓是齋讚味是勤修色是精進次栽意樹其樹
 根者自是智惠莖是了二示義枝是明法辯才葉是權變知機
 能摧異學崇建正法菓是能巧問答隨機善說味是善能譬喻
 令人曉悟色是柔濡美辭所陳悅眾如是樹者名為活樹
 時惠明使以此廿樹於彼新城微妙宮殿寶座四面及諸圍觀